



10443

青山集卷第十一

當塗宋郭祥正功甫著

同里後學宋

鈇西衡校刊

萬 鍾以和

長句古詩

送梅直講

聖俞

青風吹天雲霧開仙人騎馬天上來吟出人間見所不
 可見常娥織女爲之生嫌猜織女斷鵲橋常娥閉月窟
 從茲不放仙人迴一落人間五十有四載唯將文字傾
 金罍李白佯狂古來少騎鯨鬣鬣飛泂泗杜甫問訊今
 青山集 卷十一 一

何如應爲怪極罹天災公平至寶勿盡吐吐盡吾恐黃
 河水決崑崙摧天穿地漏補不得女媧之力何可裁長
 安酒價不苦貴風月但惜多塵埃醒來強更飲百盞酬
 酣愚智寧論哉

送袁殿丞

世弼

與君六年別愁見雲開露明月樽中有酒雖獨傾萬古
 情懷共誰說思君彈瑤琴琴聲爲君咽孤鴻高飛不可
 攀北風一送何時還欲問鯉魚更難得江頭白浪高於
 山尺書彼此絕令人腸百結昨日聞君來我心如鑿龍
 門開拂拭囊中白玉璞請君辨之爲磨琢感君酬儂過

南山郎見名聲搖海岳烹羊買酒邀吳姬今朝會合明
朝離莫嗟兩鬢白雪滿請看舞袖紅雲飛雲飛酒闌君
遂起篙子催行趁湖水君行汲汲過西山手植松篁春
正美我亦歸青山白雲相伴閑若鴛鸞鳳赴瑤闕先到
臨川與君別

送錢賢良

醇老

去年六月梓山裏與予披襟弄泉水高談直出堯舜前
長林爲我清風起金船滿滿傾醇醪吳娥玉指拈櫻桃
君令勸我盡百棗肝腸但覺翻江濤醉來騎白鹿大笑
還青山倏忽歲月往思君鬢成斑今朝邂逅蕪江頭論
青山集

卷十一

二

心握手忘離憂暫時會合復言別安得彈劍從之游我
聞紫微薦君策男兒事業豈易得金門慎勿閑經過爲
奏天下弊穴如蜂窠

送章秘書

表民

君心抱太古不肯屈世人匹馬遍朔方楊帆出天津九
疑連洞庭澗長歌愁殺蒼梧神更將美酒弔楚屈離
騷繼往疑前身兩姬不洒望六淚一笑岳陽樓上春丈
夫得意且爲樂百年變化隨埃塵如何南還過我別却
言北去朝天闕上書力訴元元足寬洗眼看君成一節勸
君事直還收身速返東南弄白雲功名汲汲竟何益韓

彭取笑武陵人

送楊主簿

次公

浪花卷雪秋風起開帆日行三百里問君此去安所之
佐邑南城風俗美夫君才業真雄奇四十青衫能養卑
世無孔子禮樂壞君獨勇起勤扶持書成未遇聊自哂
暫向南城爲吏隱閑入麻源傾酒卮仙家好景無忙時
瀑綃千丈掛蒼壁玉華萬柄搖清池常娥東來渡銀漢
面面瑩徹皆琉璃謝公秀句發天籟顏守老筆蟠蛟螭
高風凜凜尙可挹烏聲不斷哀猿啼嗟予學道苦不早
壯歲形容已枯槁聞說名山心卽飛一生願向山中老

青山集

卷十一

三

愛君逸興何由攀飄如孤鶴遺塵寰若見麻姑與王遠
寄我一粒黃金丹

送耿少府

天鵬

白沙岸上相逢時困倚欄干醉似泥忽然聽君誦新作
酒面頓覺寒風吹今朝邂逅蕪江浹大軸蒙眛東城詩
雷驚電掣露怪變山崩海瀉能扶持令人壯觀不知已
倦翼欲接青雲飛逸駕固當出塵滓胡爲一命東南馳
洞庭波瀾洗天吼衡嶽葱蒼掛南斗窮幽歷險詩魂醒
不倦青衫困趨走屈原賈誼杜子美白骨荒邱今在不
欵騎瘦馬一弔之滿眼斜楊入疎柳詩成寄我慎勿遲

側室陽春活殘朽 暫時離異何足論 酩酊江樓一樽酒

送徐長官

仲元

徐夫子能談經不學俗 儒事章句白首役 勞骸形我
嘗洗耳聽其說 寒泉漱玉聲 瓏玲十年茅塞一朝拔 四
體自豫神安寧 交游得君已恨晚 歷陽幾日同醉醒 新
詩百韵忽贈我 滿紙落落排明星 使我目睛眩 又若遭
雷霆 自愧久滅沒 安足煩褒稱 李翰林杜工部 格新句
老無今古我 驅弱力謾繼之 發詞寄與良 辛苦幾欲攀
天門 擊天鼓 女媧有志終難補 低頭帖耳逐駑駘 倒着
青衫走塵土 東風吹破江頭春 綠楊紅杏能笑人 狂來
且盡一壺酒 世無賀老誰相親 君今別我又遠適 錦帆
千丈迷空碧 飄然去意凌崑崙 自古雄豪少 知識我亦
從今不復言 靜對澄江浸寒壁

青山集

卷十一

四

送李節推

獻父

昨對桃花與君別 共唱離人眼中血 今見桃花君復來
似與東風趁時節 北去南還何日休 書生道路多窮愁
安得巨航滿載酒 一帆風過蓬萊洲

送李察推

公擇

去年遇君陵陽峯 杜鵑聲亂桃花紅 佳人玉指按玉板
勸我一醉三百鍾 醉來騎鯨赴瑤闕 不記當時與君別

溪上扁舟破雪歸樓前芳草還春發白頭太守重相遇
開樽大笑呼瓊娥向來十客七已去唯與杜九聞清歌
歌聲繞梁離思苦聽不得終淚如雨回首茫茫天地中
聚散百年能幾許今朝此地重相逢秋漠無雲江月空
把酒與君須醉倒已知後會皆衰翁陽樂事那復得
官賤食貧身愈迫擊劍高吟非故鄉何時共作滄浪客

送陳屯田知明州

屈指宛陵客八九名世賢我亦駕白鹿往往登俊筵昭
亭自作老龍闔蚤嶂不礙明河躔餘霞散綺入高閣澄
江似練拖晴天黃金買酒不論價壯心共許青春前承
青山集

卷十一

五

相初爲部使者精選邑治君尤先業聞上書後薦達玉
陛引對親承宣付之一節使淮滸三十二縣州無冤嗟
予末路最流落哭兒清淚雙眸穿感君不棄半面雅取
之酒輒投深淵稍回生意漸奮發遽復捨我搖歸船明
朝勅拜四明守四明山水君所憐奈何歲旱天下歎豈
容醉臥滄溟邊我疑帝命養頭角垂春霹靂驚蟄眠白
蘋風靜湖月滿謾弔賀公懷謫仙

送劉繼鄴秀才之岳陽訪水尉

羣鳥栖霜羽毛縮孤雁冥飛何處宿蘆花慘白天無聲
靈妃鼓徹瀟湘曲此時歸夢尋故鄉誰道行人鬢長綠

平生所得忙 志歌時命未遇君如何滿懷策畫獻不售
鳳凰飄泊無嘉禾困鱗不借一盃水異時安用西江波
岳陽高樓掛星斗樓中子真聞舊友請舒和氣邀陽春
便釀重湖作濃酒山葉掠亂舞山鳥縱橫啼青人交道
貴終始樂酣醉倒君莫疑否極泰來不可測豈有壯士
長棲遲豈有壯士長棲遲青雲岐路看橫飛

送吳龍圖帥真定

仲庶

讀書會不學腐儒腐屑爛舌腸焦枯又不學一詩一賦
輕薄子屑屑場屋名聲沾南州治邑克肖古令尹險欲
臨水投神巫政成召來御史府彈駮庸相請賜雷霆誅

青山集

卷十一

六

姦邪縮手不敢更侮祖宗法又薦處士博士登石渠富
財治水各稱任乃仗斧鉞臨湘湖興學首教士子弟作
碑後弔屈大夫明年易節帥營幕鐵甲百萬秋防胡公
曰承平勿誇武解藏弓劍寬民租詩筒交迎兩朝使鐫
金刻玉論歡愉深沉不動若山嶽節制似公誰可俱少
年天子聖慮遠却顧南國成荒墟拜公學士往綏撫會
未替月富民大姓爭來居秦淮橋傾滯行邁頃刻指畫
窮精麓斬材邊岸役兵按一物不向民間須月光激水
夜景午夜虹矯矯當通衢聞思昔人政事羨壽來形像
堂中圖二十二八最豪傑森森玉樹臨冰壺前題姓名

後書贊文章髣髴窺典謨昨朝除命下金闕再備將印
嚴邊樞南民遮道留不得老幼挽纜相携扶屨言早入
天朝作丞相調燮水旱蘇寰區功成異日保身退西江
秋風熟鱸魚斄尾黃雀更珍絕白糯釀羹傾醜醜醜
一飲三百盞琵琶啄木喚舞姝舞姝十八如明珠石榴
之裙蟬翼裾舞徹輕汗濕香膏桃花帶露燕脂濡綵衣
斑斑羅鳳雛問公此樂世有無何必更訪蓬萊山上神
仙都

逍遙亭歌一首贈太守王君章

逍遙之亭在何許城角西南小溪澣水仙粉面浮清波

青山集

卷十一

七

羽林兵仗森三畝六月微風拂面寒不信人間有煩暑
借問逍遙真隱徒西山看雪倒騎驢形骸兀兀天壤俱
盡手爭以丹青模大言得罪僅免誅斥參軍事來當塗
傳云此地舊結廬百年荆棘遺荒墟公來相址呼犁鋤
雙亭化出瓊瑤鋪欄干間角明青朱四座瑩徹織埃無
蘭芬麝裂陳罌盃珠履珊珊陪後車東瞻宣詔西浮圖
曉光夕景迷蓬壺愛公心鏡如明珠落成之樂政事餘
爲公歌勸公醉留連亭上能幾時行促星輅還玉陛

投獻省主李奉世密學

祖朝相國之真孫軒軒冠蓋宜高門拔身州掾入政府

議論挺特窮根原頽淵必用孔子鑄自此聲名聞至尊
熙寧神化邁前古屢詔馳車外循撫大河之北淮之湄
民起痾瘵競歌舞樞庭進直腰橫金君臣道合同一心
貨泉交匯指諸掌老吏縮手隨規箴如公之才世希有
突几千丈輝喬林徐冠貂蟬坐廊廟重見成王得周召
泰山鏤牒天垂休却笑鴻蒙首頻掉賤生流落何可言
四十栖遲埋冗員涸鱗悵望一盃水安用西江浩渺之
波瀾願公吐和氣稍回巖谷春養成尺寸木爲公車下
輪他年青史上報德豈無人

俞俞堂寄鄂州李裕老

平山集

卷一一

八

黃鶴樓南大湖側芙蓉深遶誰家宅云是裕老之宴居
高堂獨榜俞俞額春山抱翠入平簷夏竹引涼吹廣陌
秋江澄月天鏡開冬雪擁林崑閬白世間萬事不掛心
瓮醱香醪欣有客客來乎伴我飲不醉無歸醉還寢問
君欲達逍遙鄉信哉天地真衾枕覺來何物能解醒試
作琵琶打面聲俞俞和氣淡四體安用辟穀求長生君
不見鸚鵡洲前殺禰衡三尺椀杖當雄兵才名誤身不
自覺恬淡晦迹無人爭南北相望二千里夢逐高帆遊
秋水爲翁持酒聽翁歌衣濯黃塵眼除眯

三峯連延一峯尊龍山白紵如兒孫重岡複嶺控官道
北望金陵真國門淙流奔激洒河漢兩溪直接丹湖源
松荒檜老古佛刹鷄鳴春晚桃花村石崩廢井謝公宅
龜仆斷碣長庚墳斯人白骨已化土英氣往往成烟雲
我昔棄官結茅宇九品青衫安足數竹筒盛酒騎白牛
醉眼看天與天語如何贈證隨辟書十年又向風塵趨
只今兩鬢滿霜雪功業不成思舊廬山花解忘憂山鳥
名提壺四鄰未必便棄我三徑荒草還堪鋤烏泥田肥
種秫稻熬菴味美饒嘉魚盈缸釀酒邀客飲林下散髮
時時梳誰入縶爾不歸去自問此心無乃愚

青山集

卷十二

九

憶五松山

江南富山水忽憶五松山梁僧種松奪造物至今千丈
凌雲間上有寒蟾吐魄疑水霜下有銅陵碧澗傾潺潺
雷公睥睨不可以揮斧老鶴飛來勢欲止而復還猿獮
側望何由攀琉璃殿閣若化出四大之衆說法鳴金鑼
我嘗脫屣往棲息六月清風無汗顏濃陰可愛坐磐石
綠酒酌盡橫琴彈命宮叩徵天地變聽之以氣往往生
羽翰紛埃不到佛淨國豈識人間行路難塵勞忽起舊
緣想倒騎匹馬來長安修鱗掉尾業已困酒轍孰與西
江鬪髮疎齒缺形將殘畏塗足躡心膽寒屈原懷沙賈

誼取身后忠名何足觀不如宴坐碧山裏笑傲每携雲
月歡明朝却欲渡江去五松巖戶無人關方壺員嶠太
殊絕幸有此山容我閑

洛中王秀才談劉伯壽動靜慕其瀟灑作詩
識之

客來說劉翁嵩山跨黃犢青衣二雙鬟顏色若明玉手
携綠牙笛隨軒奏新曲倒傾酒榼松下飲旋開氍毹雲
中宿少年富貴老安閑自道此生無不足令人慕高標
神魄頓蕭爽何當插羽翼乘風一飛往永結斯人交道
迥恣真賞長哦紫霞篇洞戶瓊瑤響胡爲戀青衫壯節
青山集 卷十二
空甞麟塵埃埃字一疑誤一開城郭里波瀾萬頃滄溟廣明朝
來作嵩少游且向江南結魚網

吳文正確山

嘗逢宋郭祥正功甫著 同里後學宋 鉞西衡校刊

葛 罇以和

長句古詩

卧龍山泉上茗酌呈太守陳元興

君不見歐陽公在瑯琊釀泉爲酒飲輒醉自號 羽樂
無涯醉來落筆驅龍蛇電電萬里轟雷車濃陰却 加吐
朝日草木妍媚春爭華斯人往矣道將喪雖遇絕景誰
能誇又不見卧龍山下一泓水源接銀河昔且羨惜哉

青山集

卷十二

一

無名人不聞唯有寒雲弄清泚君携天上小團月來就
斯泉烹一啜不覺兩腋習習清風生便欲飛歸紫金闕
挽君且住君少留人生難得名山游汲泉滌硯請君發
佳唱鏗金戛玉揮商秋斯泉便與釀泉比泉價詩名無
表裏自愧學詩三十年縮袖間驚血指君如歐陽公
我非蘇與梅但能泉上伴君飲高詠閣筆無由陪明年
茶熟君應去愁對蒼崖詠佳句

酬運判毛正仲

明公青霄我平地才不超羣懷厚媿小邦苟祿度殘年
側望車塵掩疵癘海波翻雲右渡頭感公爲我須臾留

請說相逢在何處上下梅山成非游忽得新詩驚老格
飄飄真是金門客蹇驢已困何由攀一夜微吟添鬢白
奉和運判吳翼道留題石室

雙峽天開控江水水自牂牁來萬里端州正在雙峽間
石室嵩臺壓孤壘誰傾北斗酌明河化作七山平地起
修蘿高張翠羽蓋錦壁深藏赤鳳髓鳴禽交應樺白聲
馴鹿見人行復止一洞能容百兩車三溪却接滄溟底
仰瞻圓頂碧玲瓏傍穿小竇陰迤邐不應融結施鑄鑿
浪磅乳滴何年始森然物象難悉名古圖脫落猶堪比
老龜鬪首龍縮角猛虎磨牙鯨卷尾又如壯士波肺肝

青山集

卷十三

二

戴王之忠死無已蒼崖題字多唐人髣髴銀鈎唯二李

龜山祇不放雲霧開海神屢波蟠光沈歐陽古錄遺此

碑我漬香煤傳以紙寂寥相望三百年乃有高才維瑰

璋滁陽吳公富文采來擁皇華宣使指霜威暫霽時謙

尊許接清游携酒醴長絲千結盤雕梅箴并刀膾頰

鯉尋仙未遇飲正豪落日嵐烟催返軌明朝大句揮長

篇憂玉錡金轟兩耳有靈持護歸羊城論價欲酬誰可

擬韓公毛公並詩伯筆陣酣戰秋風裏越臺朱明被題

通鶴奔此洞重新羨沈侯湘寺陪俊游韓子連山書宴

吾騎槩遂令天下知名齊五嶽無高毀自恰初翻久零

落只欲卑飛藏棘枳漫將俚語續公歌投老那知遇知
已

奉和廣帥蔣穎叔留題石室

西江赴海穿雙峽十里寒青半天插晴空倒影連明河
滔滔不礙鯨魚呷鮫綃高覆紫微冠翠簾平鋪玉皇榻
中藏石室與嵩臺巨壁稜層老鱗甲欲飛未去鳳透迤
將蟄還伸龍匝匝浪搖蓬島何其危桂塞廣寒無乃狹
大匠不由基構成洞門大啟無人扃六月來游乃挾纈
酌酒向口疑冰生三溪詰曲愈難涉舉燭但愛烟冥冥

返似霜縑見山水畫手只許吳生是有誰文采如昌黎

青山集

卷十三

三

物物爲我從頭記自慚才短空冥搜俚語未足蒼崖留
元戎聞之索大筆默坐遠想書勝游憑凌風力若捕虎
窘東景象如縛仇那知子厚號雅健不識謝守爲風流
挺挺斯人富學海少陵重生謫仙在瓏瑋擊玉敲黃金
倚馬千言未嘗改高才豈必世俗知浩氣已充天壤內
又如淮陰善將畧不戰能令敵先敗暫辭侍從來東南
羊城異日爲傅巖不唯巴賤吟詠足即看玉牒功名鏡
滁陽吳公昔曾賦落落文章精注措毛侯亦許送和章
馬上橫戈寫長句孰云高要陋且遐三篇入石神鬼嗟
願揮硬畫奪劍戟下視鳥跡初遺沙此心雖大慮轉小

刻就頤憂龍作蛇譬之博奕仲尼與羣兒惡用相宣譁
端溪石工古稚妙年年琢硯供正衙剛刀截碑易於硯
龜牆相射生形霞岫山石鼓久缺矣苦縣光和真瘦耶
流傳萬本八中國誰憐此樂瘴水涯共探泉石造深溝
豈憶冠蓋追榮華公思歸乎欲致主四方飄泊予爲家
予意無留亦無去等將幻質隨楊花

奉和梧守蔡希蘧留題石室

疊石稜層萬尋碧老仙自作琉璃宅儵然一徑出人寰
北斗三臺無咫尺大巖杳杳吞滄溟小竇疎疎吐朝日
芙蓉羃歷乳成花鱗鬣摧頽龍蛻骨危絃脆管遞仙鷗

青山集

卷十三

四

爛錦輕納變雲物二字能畫玉鉞懸僭銀二字未詳未是真

王質人亡國變今幾年唯有文章記崑崙勝游况遇中
郎孫詩擬杜陵和髣髴洪河噴作三門流突騎長驅五
千匹令人驚嗟但緒手近世雄豪無此筆不唯險韻難
追攀學道輸君先得一

奉和蔡希蘧鵠奔亭留別

欄干去天無一尺簾外三山蘸天碧樽傾濁酒延故人
拂拂輕寒添暮色雙鶴飛奔迹已陳滿庭細草自涵春
孤城不復有冤氣法座垂衣逢聖神惟君萬里分符去
蒼梧之邦舜游處九疑七澤皆相連墨海滯毫寫長句

又如李白才清新無數篇章思不羣挺特千松霜後見
孤高一箇隴頭聞我於詩學非無意黃蘆不並琅玕翠
漫甘薄祿養殘年兩鬢垂絲成底事聲出還吞淚如雨
同氣相求別離苦老來頻寄一行書江邊魚雁無今古
南安劉太守席上勸曾叔達酒

金盞莫辭瓊液滿寶檠休嫌燈焰短圓荷翻雨碧雲香
小妓近人紅玉暖百年流轉能幾時一日相逢須款款
扁舟明發下前灘此會清吟應亦罕

勸君歸示南康太守吳子正

勸君歸腰下懸金祿及兒家有良田秣稻肥種粟結寔
栗與梨江山滿目烟雲披長年之樂吾無羈何須七十
乃言歸行將七十能幾時分符持節力已疲才德及人
固無盡此身抱病欲何爲

儲溪重九阻風戲呈同行黎東美

不登高不飲酒漠漠黃沙翳衰柳扁舟繫纜未敢行江
頭白浪蛟龍吼故園菊花應爛熳客路無窮但搔首却
憶齊山小杜歌人世難逢笑開口

左蠡亭重九夕同東美翫月勸酒

平生看月無今宵一亭危在山之椒下瞰揚瀾連左蠡
白琉璃地覆鮫綃欲披錦袍撻鼓過世無賀老誰相和

厲原憔悴湘水濱夷齊自守西山餓且來登高望明月
拂拂霜風濯煩熱身心都在清涼宮一點無塵光皎潔
與君同游執君手况逢令節當重九不憂短髮還吹帽
頭上有巾先漉酒飲醇酒望明月我歸姑孰溪君赴黃
金闕明年此會知誰健細看茱萸莫輕別

將游五峯度夏代別倪倅敦復

六月執熱思雲泉五峯參差如紺蓮修松傑栢上參天
老鶴棲唳哀猿懸常娥夜濯清冷淵巖戶晃白飛羣仙
胡不往矣逃塵緣散髮赤腳臨風前高軒朱衣君自便
去住彼此遙相憐

青山集

卷十三

六

和守訥上人五峯見寄之作

木杯足躡浮鷲湍却愛五峯如戲鸞一錫飛來卓出蒼
玉髓又有黃金百鑑藏蒲團道人得道每如此條來忽
往非生死叢林成就八百年香厨日供三千指訥師今
亦浮杯徒問答言詞瀉秋水脫去儒冠披壞衣一生長
在各山裏殷勤笑我騎鯨魚詩狂酒怪何時已七言哦
罷欲無言坐看峯頭片雲起

送上饒道士吳師韓復將淮西

水精之仙降人間身披羽衣日澄瀾或求福禍語必驗
手中閃閃陰陽關淮西太守喜賓客鶴駕却欲乘風還

勸君飲酒莫言術龍虎收藏歸抱一

重九日同修鴈慈雲二禪師游浮山訪洪地

長老

邑城東南百餘里穿盡荒山渡重水林傾路轉大壑開
峭壁崔嵬半空倚上無勾連下無根鐫鑿難成畫難比
圓環巖竇碧玲瓏月華吞吐湖光洗石鼓晝鳴雲雨垂
金雞夜鬪龍蛇起成公說法已千年事載龜趺尚新美
嗟予平生慕佛學空洞忘機造元理暫來福地神愈清
况接高禪揮塵尾晉顯悟道天下師雲璉聲名自予始
精藍際會付三人淨衆如歸聞法喜今朝更結名山游

青山集

卷十三

七

寶閣珠樓同綬履達了無生無不生一聲猿躡清風裏

龍眠行留別修鴈禪師

桐鄉山水天下名龍眠氣勢如長城重岡複嶺跨三郡
磐壓厚地攢青冥東南佛寺號投子寺門洞啟元無扇
雪峯三來道方契鑿井百尺穿重冰至今善利永不泯
輓轡夜轉聞寒聲慈濟元談載金刻龜趺鱗甲光熒熒
誰憂怪變碎以斧半落崖下莓苔青時移歲晚人事遷
高座竊據非真僧白雲徒侶半凋落泉石往往荒柴荆
我來抉樊眼除眯顛自尋至人天迎隨車貝葉五千卷
寶藏突兀同時成張翁好施古亦少助我福地還中興

老禪咒龍未三日泉發石上吁可驚晨厨千僧用無盡
琅玕引溜何冷冷城中客少民事簡屢携茗酌來煎烹
叩師元關問至理心地拂拭菱花明妙峯勝會豈殊此
迷卽成凡隨死生明朝官滿重回首別師寫作龍眠行
留別金陵府尹黃安中尙書

奉和安中尙書同漕憲登長干塔

攬衣登塔窺沈寥黃金篆碑神所標層梯轉道二千尺

青山集

卷十三

八

鈴索交響風常飄天厨曉送阿育供海月夜領飛仙朝
南溟安在心欲化九萬一舉期今朝我宋真人啟閭闔
堯舜之運重昭昭佛老并儒鼎足盛理歸一善無煩條
淨緣勝賞固莫逆足力強健朋儕邀昌黎首唱城南句
東野繼作芬蘭椒諸公筆力鬪穎發七言紙上銓瑰瓊
聚沙叠甃付童子秀寔始自春之苗凌空得路未足恃
遇險驚魂安可招龍虎低沉鳳鳥散藉此彈壓無禳妖
回郊松栢列兵衛萬家絃管均咸韶廣莊黔烏類蠹蟻
歲望已覺元鼎調晴川疎樹歷陽近浮雲蔽日長安遙
員輪巨木徹十地斜飛八角穿重霄扶持故國肖父老

綵領諸刹如孩髻循欄作禮共悲仰絕頂進步誰騰超
迹雖有爲志頗壯報且不盡功何遑揮毫題識未云畢
城頭吹角聲迢迢避綿鋪舒換塵境寶燈照耀銀爲橋
乃知此會世稀有請君審聽長干謠

卽席和酬金陵狄倅伯通

虎踞龍盤古名郡勢欲凌波予未信偶搖雙漿下天門
白鷺三山隨一瞬捨舟登岸青溪濱濛濛柳眼初含春
感君携酒喚小妾要我一飲頽冠巾開懷猛酌寧辭醉
明朝且入梁朝寺刀裁尺量非扇迷興來欲跨橫空使
南風更送琳琅篇明珠十斛投歸船與君定交增浩然
青山集 卷一三 九

誰謂此行垂橐還

治水諭

去年圩破官不救闕食連亡十八九今年大水如去年
民困適遭何令賢賢哉何令能治水槍去木編蘆多淮
擬賞哥公平貧富均赤脚親臨食亡七每趨危墊必身
先往復連宵幾百里浪頭作惡工莫施一拜能令二龍
起白龍先去黑龍隨鱗鬣分明皆見之須臾浪定埂可

禦父老驚嗟咸涕洟西門投巫安足比亦勝乘輿濟溱
消活我生靈十萬家惠澤陰功泱神理天子臨軒方用
才時時有詔搜草萊請歌何令能治水願採斯言獻天

游陵陽謁王左丞代書先寄獻

和父

布衣射策趨蓬萊十年得志聯三台懷仁附義天下悅
忠言屢叩宸聽回不唯盡赦息錢息曾均惠澤覃枯骸
先皇晏駕舊臣老白雲黃鶴空徘徊藩城六見換符節
直道自任寧嫌猜昭亭扶春入畫戟句溪洗月供吟盃
佳賓三千集珠履赤子十萬登熙臺元暉比公固不足
我攀太白慚非才披雲拂霧一何晚泥滑不敢鞭駑駘
明朝迤邐造賓榻願逢浩氣吹寒灰玉上青蠅本無有
都人爭望公歸來

青山集

卷十三

十

謝王左丞惠冰酒十五斗

昨夕發姑孰今朝泊敬亭輕雲淡日天地暖杏花吐暮
梅飄零春光一瞬豈足賞聽公疊疊高談傾昔年庭爭
動丹陛君臣道合趨昇平巖廊辭位已十載氣度杳杳
涵滄溟公田種秫作新酒槐槽旋注琉璃瓶不將歌舞
效俗飲時時一酌羞獨醒感公贈我十五斗酒量安得
如劉伶願公歸去廟堂上盡使斯民醉醇醲

題橫山陶弘景書堂寺

先生燒丹騎竹馬留戀蕭公碧城下故物無餘只五泉
亦有松風伴瀟洒誰來洗耳復洗心寥寥千載聞遺音

寺門不掩象燈暗猿隔數峰時一吟

代書先寄盧郡朱龍圖

行中

楊花塞路春無聲鳴鳩喚婦畱春晴揚鞭朝發浚泊縣
卷簾暮宿金斗城中主人漢賈誼妙年射策冠羣英
峩冠獨立御史府冰霜凜凜清朝廷忽乘白雲渡銀海
十年望闕心常傾只今淮西課異等沉沉玉帳閑府兵
神機照物辨毫髮提刀四顧新發矚行聞召節返西掖
至尊開閣思談經豈容燕寢自願養畫戟森衛清香凝
陳公雖解豫章榻白頭重愧非徐生飄零漁艇荷蓑笠
揣摩舊學荒柴荆願公一吐太和氣朽株巖下逢春榮

青山集

卷十二

十一

合肥李天貺朝請招鍾離公序中散吳淵卿
長官泊予同飲家園懷疏閣

一閣橫空連野水久客歸來洗隻耳二疏雖解散黃金
家園未必臨清泚坐見紛紛煙雨入千里瀟湘盡圖濕
魚鳥相忘蒲荇深兩岸桃花爲春泣鍾離辭榮已三品
吳令早休今八十我亦棄官姑孰閑邂逅相過手重執
閣前旋解青板舫呼童移櫂選清淵四人白髮笑且飲
岸人疑是高山仙亦如賀監在東吳醉下山陰弄鏡湖
月色蓮香迷近遠且要李白騎鯨魚古人今人樂如此
出處無瑕傲生死君不見功成不退人重著藍衫脫金紫

麗人曲贈鍾離中散侍姬

髮如盤鴉面如玉飄飄羅袖長
芬馥妙年得侍碧虛卿
自道一身心已足黃鸞流語春
日長綠窓繡出金鴛鴦
朝暮祝卿千萬壽不識相思能斷腸

中書舍人陳公元輿以詩送吾兒鼎赴尉慎
邑卒章見及遂次元韻和答

嚼君老句勝牛乳又如早稼濛甘雨
龍眠一別魚雁稀
幾度看雲與雲語鳳池搖筆贊帝齡
珠璣洒落黃金城
鼻端去至鬼膽破霹靂轟車風
雨驚事君以道非難事
不羨昔人囊有智柏梁屹屹漢庭材
寶鼎顛隕周廟器
我在江湖寄此身碧蘆青荇遠黃塵
感君問我尚安否
病樹前頭萬木春強汎月船追李白
無人愛客似田文

青山集

卷十二

十三

10443

